



REPUBLIKA E KOSOVËS  
REPUBLIKA KOSOVA - REPUBLIC OF KOSOVA

KOMISIONI I PAVARUR I MEDIAVE  
NEZAVISNA KOMISIJA ZA MEDIJE  
INDEPENDENT MEDIA COMMISSION



**Emri i OJQ-së:** OJQ- Mitrovica


**Numri i Regjistrimit:** 5100055-2

**Kryetare e Bordit të OJQ-së:** Lëndita Haxhimehmeti

**OSHMA:** Radio Mitrovica

**Pronar:** OJQ- Mitrovica

**Adresa:** Sheshi/Adem Jasharai Nr 1



## VENDIM

për ripërtëritjen e licencës së ofruesit të Shërbimeve mediale Radio Mitrovica, me seli në Mitrovicë

### Fakte

1. Komisioni i Pavarur për Media (KPM), është organ i pavarur i cili është kompetent për rregullimin, menaxhimin dhe mbikëqyrjen e spektrit të frekuencave të transmetimit. KPM-ja rregullon të drejtat, detyrimet si dhe përgjegjësitë e personave fizik dhe juridik të cilët ofrojnë shërbimet mediale audio dhe audiovizuale.
2. Radio Mitrovica është Ofrues i Shërbimeve Mediale Audio me mbulim regjional, i cili është licencuar nga Komisioni i Pavarur për Media (KPM), për transmetim tokësor analog të programeve të radios në gjuhën shqipe, me seli në Mitrovicë. KPM, me vendimin e datës 6 tetor 2016, i ka lëshuar licencën Radio Mitrovica për një afat prej shtatë (7) vitesh, ndërsa më datën 6 tetor 2023, skadon afati i licencës së Radio Mitrovica.
3. Me datën 18 prill 2023, KPM përmes e-mail ju ka dërguar shkresë të gjitha radiove të cilave afti i licencës ju skadon licenca në vitin 2023, në mesin e tyre edhe Radio Mitrovica, përmes së cilës shkresë i ka njoftuar lidhur me skadimin e afatit të licencës dhe mundësin e ripërtëritjes së saj në pajtim me Nenin 25 të Ligji Nr. 04/L-44 për Komision i Pavarur të Mediave.
4. Më datën 12 shtatorë 2023, Radio Mitrovica ka dorëzuar kërkesë me shkrim në Zyrën Ekzekutive të KPM-së, përmes së cilës ka kërkuar ripërtëritjen e licencës. Arsyetimi lidhur me vonesën për aplikim sipas Radio Mitrovica ka qenë sepse është ngatërruar data e skadimit të licencës, prandaj Radio Mitrovica ka kërkuar mirëkuptim nga KPM për këtë lëshim.

### Arsyetim

5. Neni 25 i Ligjit të KPM-së përcakton: *Përveç rasteve kur KPM-ja konsideron se licenca nuk duhet të ripërtëritet për shkak të shkeljes së dispozitave materiale nga ana e ofruesit të shërbimit medial audio vizuel privat për sa u përket kushteve dhe kriterëve të licencimit, kandidati ka të drejtë të kërkojë përtëritjen e licencës nga Komisioni brenda gjashtë (6) muajve para skadimit të datës së licencës ekzistuese dhe minimum gjashtëdhjetë (60) ditë para skadimit të licencës.*

6. Me anë të shkresës së datës 18 prill 2023, lidhur me njoftimin për skadimin e afatit të licencës, KPM gjithashtu, ka njoftuar Radio Mitrovica lidhur me dokumentacionin e nevojshëm për ripërtëritjen e licencës.
7. Komisioni konstaton se, Radio Mitrovica përmes kërkesës me shkrim ka shprehur interesim për vazhdimin e veprimtarisë së ofrimit të shërbimeve mediale audio (radio) në lokacionin për të cilin është licencuar.
8. Komisioni konstaton se Radio Mitrovica ka shlyer të gjitha obligimet financiare ndaj KPM - së, përfshirë këtu edhe pagesën e tarifës administrative për ripërtëritje të licencës, e paraparë me Rregulloren KPM-2017/06.
9. Komisioni konsideron se nuk janë evidentuar shkelja të tilla të dispozitave materiale të Ligjit dhe akteve nënligjore të KPM-së, nga ana e ofruesit të shërbimit medial, Radio Mitrovica të cilat shkelje do të pamundësonin ripërtëritje të licencës.
10. Komisioni vlerëson se kërkesa për ripërtëritjen e licencës së Radio Mitrovica me arsyetimin për vonesën e aplikimit, është dorëzuar në pajtim me dispozitat ligjore të parapara me Ligjin dhe aktet nënligjore të KPM-së dhe si e tillë kërkesa për ripërtëritjen e licencës së Radio Mitrovica i plotëson kushtet për miratim dhe se ripërtëritja e licencës është në interesin e publikut në zonën në të cilën transmeton kjo radio.

### Vendim

11. Komisioni merr vendim për miratimin e kërkesës për ripërtëritjen e licencës për Radio Mitrovica, në mënyrë që të vazhdoj me veprimtarinë e ofrimit të shërbimeve mediale audio, e cila veprimtari është në interes të publikut në lokacionin për të cilin është licencuar, dhe në të cilin është duke transmetuar program Radio Mitrovica.
12. Licenca e Radio Mitrovica do të jetë e vlefshme për një afat prej shtatë (7) vitesh, ashtu siç është përcaktuar me Nenin 21, paragrafin 2, të Ligjit për KPM-në, ndërsa vlefshmëria e afatit të licencës do të llogaritet nga data 6 tetor 2023.
13. Të gjitha parametrat e licencës së Radio Mitrovica, siç janë: kategoria e të licencuarit, skema programore, parametrat teknike dhe harta e zonës së mbulimit, të mbesin të pandryshuar nga licenca paraprake.
14. Këtë vendim e lëshon Komisioni dhe i njëjti hyn në fuqi nga data e nënshkrimit.



Jeton Mehmeti  
Kryetar  
Komisioni i Pavarur i Mediave



13.10.2023

Data